

Kircher, Athanasius: Athanasii Kircheri ... Turris Babel sive archontologia: qua primo priscorum post diluvium hominum vita, mores rerumque gestarum magnitudo, secundo turris fabrica civitatumque exstructio, confusio linguarum & inde gentium transmigrationis, cum principalium inde enatorum idiomatum historia, multiplici eruditione describuntur & explicantur

Amsterdam, 1679 [Cicognara Nr. 2055]

Seite 124

124

ATHANASII KIRCHERI ē SOCIET. JESU
T U R R I S B A B E L,
L I B E R T E R T I U S,
S I V E
P R O D R O M U S I N A T L A N T E M
P O L Y G L O S S U M,
Q U O

Per prælusiones quasdam , de varietate linguarum & idiomatum disparatissima genera, quæ unâ cum idolatriâ in orbem terrarum occasione primævæ confusionis irrepererunt, potissimum agitur.

P R A E F A T I U N C U L A .

Nosse te velim, lector , nos sacræ Genesij historiæ de Turri Babylonica argumentum ob infinitam penè explicandarum rerum multitudinem & varietatem in tres tomos digestisse , quorum primus pariter in tres libros distinctus est. Primus & secundus continent solummodo Turris fabricam , aliarumque rerum à posteris Nembrod tum in Babylonia & Assyria , tum in Ægypto gestarum exegesim. In libro vero tertio hujus primi tomi , quem Prodromum in Atlantem Polyglossum inscripsimus , per prælusiones quasdam ἀελεγοδίας de primâ linguarum origine , primævorumque idiomatum fontibus , eorumque ortu , declinatione & interitu totali dicendum censuimus , uti sequitur.

P R A E L U S I O I .

Praelu-
sio I. **G**onstat ex præcedenti libro , ante Turris exstructionem terram fuisse labii unius , eundemque sermonem , eandemque linguam omnibus ; ex lingua vero hujus unitate , justo DEI iudicio de hujusmodi primævorum hominum superbia DEO se vindicante , confusionem esse natam , juxta sacri textus verba : *Venite & confundamini ibi* | *linguam eorum. Justa profectò , & digna tam impia eorum hominum superbia , atque ad obediendum contumacia , hæc poena fuit , conveniens que culpæ supplicium ; nam uti rectè Divus Augustinus : quemadmodum impe- D. Augu-
rantis dominatio in lingua est , ita quoque stinus.
ibidem superbia damnata est , ut non intel-
ligeretur jubens homini , qui noluit intelli-
gere , ut obediret DEO jubenti. Hoc pa-
cto*

